



CHRISTIANUS WEISE,
in Augusteo Politices Eloqventiæ
ac Poëseos Prof. Publ.

AUDITORIBUS SUIS
publicè privatimqve industriis

SAL. DIC.



L Ipsa dum vernis circumsonat undiq, turbis,
Atq, suum strepitum venditor omnis habet;
Otia tranquillis iuvat indulgere Camœnis,
Non modo quâ Plisæ sorbet Elyster aquas:
Leucoris ipsa suum resoluta quiescit ad Albim,
Salaq, curriculo liberiore fluit.
Sive aliquos gaudet spectare Professor amicos,
Cambianummorum seu Studiosus amat;
Sive etiam Musis passim novus imminet hospes,
Quem novus expectat, tardior inde, labor.
Quod felix igitur faustumq, sit Augusteo,
Publica sic nostros feria clausit agros.
Vidimus interea renovari foetibus annum
Herbida qui multo pressimus arva pede.

Lusi

Lusimus ad campos, ad amœnos lusimus hortos,
Quâ Natura suum pandit amica librum.
Nunc novus in nobis crescendi ebulliat ardor
Ac videat flores provida cura suos.
Defessas animo decuit si reddere vires,
Jam quoque sedulitas reddita reddat opus.
Confluite ô Juvenes ad publica pulpita, si vos
Aut pudor, aut studii vivida flamma rapit.
Nec minus ad nostras properate frequentius ædes,
Dum quasi privatas Musa recludit opes.
Florida CLAUDIANUM quæ mulcet Svada Poëtam
Multaque de Sophico gemma petita penu,
Hæcenus ad vestras Stiliconem jactitat aures,
Nec forte egregiam pœnitet iße viam.
Legimus armatas laudes, nunc qualibus Urbem
Moribus ornarit, postera cura probet.
Sic habeat faustam pangenda INSCRIPTIO dextram.
Si tanti fuerit lectio prompta Viri.
Vulgavi methodum: quicumque Politicus audit
Vel sine tot numeris esse Poëta potest.
Sufficit argutâ calamum virtute moveri,
Si minus ad nutum Serva Poësis adest.
Vos ergo ingenii mecum perpendite vires!
Nam faciles monstrat regula scripta gradus.
Ludite, ludendo libet exhaurire labores,
Quos nimium duros ille vel iste facit.

Præ-

Præcino, cantantis blanda est imitatio: sic me
Nec docuisse piget, nec cecinisse pudet.
Cætera si cupitis legere hic signata, quid inter
Privatos statuum continuare Lares:
Hactenus excoluit Vernacula nostra lepores,
Quod genus ORATOR ritè POLITUS habet:
Nunc vacat in LATIAS oculum convertere terras,
Ut quoq; docta sciat lingua diserta loqui.
Sive quis effuso Mureti flumine gaudet,
Sive jubet ripas Curtius esse breves;
Non patiar lepidam frustra tentari artem,
Si modo sint lepidi, quos mea dicta movent.
Quinetiam si vos Rerum nova Cópia tangit,
Qualem Camdeni lectio tarda dedit,
Ecce iterum varios dispergit Epistola flores,
Lipsius unde diu nobile nomen habet.
Hujus ut in verbis nil est imitabile, sic nil
Quod non mireris sensa profunda vehunt.
Fallor? an in dulces mea Colledanea plausus
Et res & titulos & folia ipsa vocant,
Belgica donec apis sinat hic sua mella recondi,
Atq; suas opibus Lipsius addat opes.
O ter felicem calamum, qui talia scribat,
Ac facili in scriptis utilitate probet.
Ne tamen ad suaves austeram Politicam lusus
Frigeat, en curtas sumite porro theses.

Pu-

*Pugnate ut studium concors discordia firmet,
Ac facies Veri vos genuina trahat!
Sedulus opponat, cui pulchrum est solvere nodos,
Quisq; cupit tandem Præsidis esse loco.
Floreat ut sermo, lenta Oratoria prestat,
Ut fluitet, cathedræ prompta loq; vela facit.
Plura quid expectat vestra hic industria? sanè
Factis quam verbis ditior esse velim.
Multa igitur taceo, quæ vester prædicet usus,
Si fluat assiduus quælibet hora bonis.
Sic mihi præsentem concedat IÖVA favorem,
Ullibi nec vester longius absit amor.
Sic PATER AUGUSTUS studiorum augmenta re-
censens,
Gaudeat illustrem hunc constituisse Chorum.
PP. d. 28. April. M DC LXXVIII.*

